

XITATIMENTE XA VUHANGALASAMAHUNGU

SARS YI HLAMUSELA NTIRHISO WA XIKIMI XA THARIFI YA ZIRO XA RHUMELANHUNDZU EMATIKWENIMAMBE XA CHINA

Tshwane, 30 Khotavuxika 2026 – Khomixinara wa Vukorhokeri bya Xibalo bya Afrika-Dzonga (SARS), Dkd. Johnstone Makhubu u vurile leswaku SARS yi hetisisile rimba ra matirhelo na nawu ku lawula xikimi xa tharifi ya ziro xa China. Milawu ku ya hi xiyenge xa 46A xa Nawu wa Ekisayizi na Khasitomo, 1964, leyi lawulaka ku humesiwa ka switifikheti swa ntumbuluko yi kona eka webusayiti ya SARS. Ku sukela hi ti1 Khotavuxika 2026, SARS yi ta humesa switifikheti swa Milawu ya Ntumbuluko eka mirhumelo ya nhundzu ematikwenimambe leyi ringaneleke.

Khomixinara u tiyisisile leswaku tinhundzu leti nga rhumeriwa khale kumbe leti nga basisiwa hi kumbe endzhaku ka ti1 Mudyaxihi 2026 a ti tshikeleriwangi naswona vaxavisi va nga kuma switifikheti swa ntumbuluko swa tinhundzu teto, ku va pfumelela ku amukela mivuyelo leyi pfumalaka muxakaxibalo leyi faneleke eChina. Tanihi tshalatshala ra masungulo, varhumelatinhundzu va nga vika ndzawulo na vulawuri bya khasitomo bya China eka mpfumaleko wa xitifikheti xa ntumbuluko. Ndzawulo lowu wu ta humesiwa endzhaku ko vikiwa ka xitifikheti xa ntumbuluko lexi kumiweke ku suka eka SARS mayelana na tinhundzu leti ringaneleke.

Khomixinara u hlamuserile: "Ku sungula hi ti1 Khotavuxika, hi le ku tiviseni ka xivumbeko xa xitifikheti xo olova, xo kandziyiseka, lexi pfumelalaka varhumelatinhundzu ku mbhonyela ntumbuluko no koxa hakelo ya tharifi nkarhi wolowo". Xitifikheti lexi xi rhwala swihlawulekisi swa vuhlayiseki leswi faneleke naswona swi ta amukeriwa hi Vulawuri bya Khasitomo bya China. Khomixinara u engeterile leswaku SARS yi ta humesa xivumbeko xa xitifikheti lexi pfumeleriweke endzhaku ko endla xikombelo eka varhumelatinhundzu ematikwenimambe, naswona va ta tsundzuxiwa mayelana na swilaveko swihi na swihi swa matsalwa mo seketela hi vatirhi lava faneleke.

Ku ololoxa swivilelo, Khomixinara u te: "Hi twisisa leswaku varhumelatinhundzu ematikwenimambe va na swivutiso mayelana na leswaku xikimi lexi xi tirha njhani, ngopfungopfu mayelana na tinhundzu leti se ti nga ku teni. Ndzi lava ku tiyisisa vaxavisi va hina leswaku ku hava murhumelanhundzu loyi a ringaneleke loyi a nga ta siyiwa ehandle. Ku sukela hi ti1 Khotavuxika, SARS yi humesa switifikheti swa ntumbuluko ku tlhelela endzhaku ku katsa tinhundzu leti ringaneleke leti rhumeriweke kumbe ku basisiwa endzhaku ka ti1 Mudyaxihi 2026, leswaku va vuyeriwa hi ntalo ku suka eka tirharifi ta ziro. Tshalatshala leri ri tiyisisa vutinyiketeri bya SARS ku nyika nhlamuselo na ntiyisiso lokohiletlhelo ri endla ntshukotshuko wa tinhundzu wu olova

no rhelela. Ri tlhela ri fambisana na vutinyiketeri bya nhlangoano ku fambisa nxaviselano lowu nga enawini no sirhelela sisiteme ya khasitomo ya Afrika-Dzonga.

SARS i vulawuri lebyi hlawuriweke byo humesa switifikheti leswi lavekaka swa Milawu ya Ntumbuluko. Lulamiselwa ra tharifi ya ziro ra tlhelo rin'we ra China, leri nyikiweke matiko man'wana mo hlaya ma le Afrika, ri pfumelela tinhundzu leti ringaneleke ku nghena makete wa China ti nga hakeli muxakaxibalo. Mayelana na swikongomelo swa ntiyisiso swa switifikheti leswi humesiweke, u komberiwa ku tihlanganisa na rulesoforigin@sars.gov.za

Ku engetelela, tanihi tshalatshala ro masungulo, varhumelatinhundzu ematikwenimambe lava lavaka mpfuneto va nga tlhela va tihlanganisa na SARS eka rulesoforigin@sars.gov.za mayelana na ndzetelo eka lulamiselwa lerintshwa. FAQ yi ta humesiwa eka webusayiti ya SARS emasunguleni ya vhiki leri taka.

Varhumelatinhundzu va tsundzuxiwa leswaku a hi tinhundzu hinkwato leti ringanelaka tharifi ya ziro ya China: tin'wana ti ta tshama ta ha hakela titharifi kumbe mipimo ya tinhundzu na swipimelo swo karhi. Endlelo ra tharifi ya ziro ri ya hi kwalaho ko fikelela Milawu ya Ntumbuluko no nyiketa Xitifikheti xa Ntumbuluko xa SARS lexi nga enawini. Varhumelatinhundzu va fanele va tiyisisa mfaneleko na vatirhisani va vona va nxaviselano eChina, va hlayisa matsalwa ma ntumbuluko ma kahle, no tshama va engetela leswintshwa eka tiphurosese ta SARS. Tinhundzu leti landzelelaka hi ku helela ntsena ti ta ringanela, ku endla lulamiselwa wa vurhonwana wa nkoka ku papalata mihlwelo kumbe ku susiwa.

"SARS yi tinyiketerile ku seketela varhumelatinhundzu ematikwenimambe no nyika matimba eka vaxavisi lava tshembekeke ku tshovela mbuyelo wa vugimakulu ku suka eka mihlohlotelo ya nxaviselano wa misava lokohiletihelo yi sirhelela sisiteme ya khasitomo", ku hetisisile Khomixinara Makhubu.

Mayelana na vuxokoxoko hi xitalo, u komberiwa ku tihlanganisa na SARSMedia@sars.gov.za.

MAKUMU